

Luo - Lamo Zaburi - Praying WP Psalms 2018

Zaburi 68:1 Mad Nyasaye aa malo, mad wasike ke; mad joma kedo kode ring konene.

Zaburi 5:9,10 Kata wach achiel mowuok e dho jogi ok nyal gen; chunygi opong' gi kethruok. Dwondgi chalo gi liel mapok oum; gipiago lewgi ne wacho miriambo. 10 Kwan-gi kaka joketho, Yaye Nyasaye! Ket obadho ma giketo ne ji ogajgi gin giwegi. Riembgi nikech richogi mathoth, nimar giseng'aanyoni.

Zaburi 7:1,2 Yaye Jehova Nyasacha, in e kar pondona; Resa kendo igola e Iwet joma lawa duto, 2 nono to gibiro kidha kaka sibuor kidho gik moko. Kendo gibiro yiecha matindo tindo maonge ng'ama diresa e Iwetgi.

Zaburi 11:6 Obiro chwero makaa maliel mager kod salfa kuom joma timbegi richo; yamo maliet ha matwoyo gik moko, biro kudhogi.

Zaburi 18:2 Jehova en Iwandana, en kar pondo mara kendo en jawarna; Nyasacha en Iwandana ma apondo kuome. En okumbana, en tung' mar warruokna, kendo en ohingana.

Zaburi 18:14 Nochielo asernige mi okeyo wasike mel, nojukogi gi mil polo madongo ma piatore.

Zaburi 18:17 Ne oresa e Iwet wasika ma roteke, kuom joma ok dwara, mane ohinga gi teko.

Zaburi 18:39 Nikech ne isira gi teko mar kedo Iweny; ne imiyo joma goya onimo e bwoya.

Zaburi 18:45 Jo pinje maoko chunygi noa kendo ne gibiro ka gitetni ka gia kuonde pondo mag-gi.

Zaburi 18:48 mane oresa e Iwet wasika; neiresa e Iwet joma rori.

Zaburi 23:3 oduogo chunya. Otaya e yore mag tim makare mondo nyinge oyud duong'.

Zaburi 27:11 Puonja yori, Yaye Jehova; telna eyo moriere tir nikech joma sanda.

Zaburi 31:15 Ndalona nie Iweti; resa e Iwet wasika kendo kuom joma lawa.

Zaburi 34:4 Ne amanyo Jehova, kendo nodwoka; ne oresa e luoro maga duto.

Zaburi 34:7 Malaika mar Jehova oumo alwora mar joma oluore kendo oresogi.

Zaburi 34:13 mondo ogeng' lewe kik tim gima rach kendo otam dhoge kik wach miriambo.

Zaburi 34:17-19 Joma kare ywagore kendo Nyasaye winjogi; oresogi e chandruokgi duto. 18 Jehova ni machiegni gi joma chunygi otur kendo owaro joma chunygi muol. 19 Ng'at makare nyalo bedo gi chandruok mang'eny, to Jehova rese kuom - gi duto;

Zaburi 35:1-8 Kedi, Yaye Jehova, gi joma kedo koda; gori gi joma goya. 2 Kaw kuot gi okumba; aa malo mondo ibi ikonya. 3 Mil tong' gi chuma madhoge bith mar kedo ibuoggo joma lawa. Wach ne chunya ni, "An e warruokni." 4 Mad joma dwarz kawo ngimana ne wichkuot gi achaya. Mad joma chanona hinyruok, chunygi aa mi gigom gidogi. 5 Mad gichal gi mihudhwe ma yamo tero, ka malaika mar Jehova riembogi mabor; 6 mad yore ma giluwo lil ti kendo bed makier-kier ka malaika mar Jehova lawogi. 7 Nikech gichikona gogo margi kayiem kendo gikunyona bur kayiem; 8 mad kethruok jukgi apoya ka gikiamad gogo ma gisechiko gajgi; mad gilwar ei bur ma kargi lal nono.

Zaburi 35:10 An duto, ringra gi chunya, anahul ni, "En ng'a machalo kodi, Yaye Jehova." Ireso jodhier e Iwet joma nigi teko moloyogi, Adier, ikonyo jodhier gi jochan kuom joma mayogi.

Zaburi 36:7-9 Mano kaka herani maok rem nengone duong! Joma idewo kaachiell gi ji ajia yudo kar pondo margi e bwo tipo mar buombeni. 8 Gichamo chiemo modhur e udi ka gimor; imiyogi math moa e aochi mar mor. 9 Nimar in ema in gi soko mar ngima; e lerni ema wanenoe ler.

Zaburi 37:5 Ket yori ne Jehova; gene eka obiro timo kama.

Zaburi 37:23,24 Ka Jehova mor gi yor ng'ato, to omiyo okangege bedo mojing'; 24 Kata ka ochwanyore to ok obi podho nikech Jehova ting'e malo gi lwete.

Zaburi 37:40 Jehova konyogi kendo resogi oresogi e Iwet joma timbegi richo kendo owarogi, nikech gipondo kuome.

Zaburi 39:1 NE AWACHO ni, "Abiro ritora e yorena, kendo abiro rito lewa kik optim richo; abiro tweyo dhoga gi waya seche duto ma joma timbegi richo ni buta."

Zaburi 41:4 Ne awacho ni, "Yaye Jehova, kecha; changa, nikech asekethoni."

Zaburi 42:5,11 Ang'o momiyo inyosori, Yaye chunya? Ang'o momiyo ibuok gie iya? Ket geno mari kuom Nyasaye, Nikech pod abiro pake, kaka Jaw a rna kendo Nyasacha. 11 Ang'o momiyo inyosori, Yaye chunya? Ang'o momiyo ibuok gie iya? Ket genoni kuom Nyasaye, nikech pod abiro pake, ni Jawarna kendo Nyasacha. (Zaburi 43:5)

Zaburi 43:1 Ng'adna bura kare, Yaye Nyasaye, kendo chwaka e piny mokia Nyasaye; resa e Iwet joma wuondore kod joma timbegi richo.

Zaburi 44:4 In e Ruodha kendo Nyasacha, magolo chik mondo Jakobo olochi.

Zaburi 51:4 In iwuon ema asekethoni kendo asetimo gima rach e nyim wang'i, mano omiyo in kare ka iwuoyo kuoma kendo iwacho adiera kiyala.

Zaburi 52:5 To Nyasaye biro tieli piny motieki chuth nyaka chieng'; obiro yudhi mi oyiechi oko e hembi; obiro pudhi mi ogoli e piny joma ngima. Sela

Zaburi 54:7 Nikech oseresa kuom gik mathaga duto, mi omiyo wengena ong'ijo wasi - ka tir bang' loyogi.

Zaburi 55:18 Owara kapok gimoro ohinya kuom Iweny ma ji goyago, kata obedo ni ji mang'eny kweda.

Zaburi 59:2 Gola e Iwet joma timo gik maricho kendo resa kuom joma rich chwero remo omako.

Zaburi 60:12 Ka wan-gi Nyasaye to wabiro yudo loch, kendo obiro nyono wasikwa piny.

Zaburi 63:11 To ruoth to biro bedo moil kuom Nyasaye; ji duto ma singore e nyiny Nyasaye biro pake, to dho jomiriambo ibiro um mi ling'.

Zaburi 66:3 Wachne Nyasaye ni, "Mano kaka timbe mitimo dongo! Tekoni duong' manade momiyo wasiki duto leny nono koneni.

Zaburi 68:6 Nyasaye keto joma odong' kendgi hach e udi kendo otelone joma otue kower; to joma ohero ng'anyo to dak e piny ma chieng' otwoyo kururu.

Zaburi 68:35 Illich miwuoro ka in kari maler, Yaye Nyasaye, Nyasach Israel chiwo teko gi nyalo ne joge. Pak mondo obed ne Nyasaye!

Zaburi 70:1 Ret piyo mondoiresa, Yaye Nyasaye; bi piyo mondo ikonya, Yaye Jehova.

Zaburi 71:4 Resa e Iwet joma timbegi richo, Yaye Nyasacha, yudha kuom richo gi joma kwiny momaka matek.

Zaburi 71:13 Mad joma donjona lal nono ka wig i okuot; mad joma dwa hinya olwor gi achaya kod wichkuot koni gi koni.

Zaburi 72:12 Nimar obiro konyo joma ochando maywagore, jogo modhier ma onge gi jakony.

Zaburi 76:12 Ochodo chuny jotelo, kendo ruodhi duto mag piny oluore.

Zaburi 79:9 Konywa, Yaye Nyasaye ma Jawarwa, nikech duong' mar nyngi; reswa kendo wenwa richowa, mondo nyngi oyud duong'.

Zaburi 86:17 Miyae ranyisi mar berni, mondo wasika one mi wig i okuodi, nimar in ema isebedo ka ikonya kendo ihoya, Yaye Jehova.

Zaburi 91:14,15 Jehova wacho ni, "Abiro rese nikech ohera; abiro rite

nikech ohulo nyinga. 15 E n o l u o n ga, kendo anaduoke; a n abed kode e chandruok, adier, anakonye kendo anamiye duong'.

Zaburi 92:11 Aseneno gi wengena ka iloyo wasika kendo asewinjo gi itena ka joma oramona ma timbegi richo itieko.

Zaburi 103:10 ok otimnwa mowinjore gi richowa bende ok ochulwa kaluwore gi kethowa.

Zaburi 104:9 Ne iketonegi tong' maok ginyal kadho; mondo kik gichak giim piny kendo.

Zaburi 107:6 Eka ne giywak ne Jehova mondo okonygi e chandruokgino mi nogologi e pekgino.

Zaburi 118:10,12 Ogendini duto nolw o ra koni gi koni, to ne atiekogi e nying Jehova. 12 Ne ginur kuoma ka kich, to ne githo ka kudho maliel; ne atiekogi e nying Jehova.

Zaburi 121:7,8 Jehova biro riti mondo gimoro amora kik ohinyi- 8 Jehova biro riti kidonjo kendo kiwuok, obiro timo kamano sani kendo nyaka chieng'.

Zaburi 138:3 Kane aluonge to ne iduoka, kendo ne imiyo abedo gi chir kod chuny motegno.

Zaburi 140:1,4,5 Resa, Yaye Jehova, kuom joma richo, konya e Iwet jomahundu, 4 Rita, Yaye Jehova, rita e Iwet joma timbegi richo; konya e Iwet jomahundu machano gajo tiendena. 5 Josunga chikona obadho; giseyarona gogo mondo amokie kendo gisechikona otego e yorega ma aluwo. Sela

Zaburi 142:6 Yie iwinj ywakna, nimar an-gi chandruok maduong'; resa e Iwet joma lawa nimar gitek moloya mabor.

Zaburi 143:9 Resa e Iwet wasika, Yaye Jehova, nimar in e jaritna.

Zaburi 147:14 Omiyo kuwe bedo e tong' pinyu kendo oromou gi ngano mabeyo e mogik.

Zaburi 149:6-9 Onego pak mar Nyasaye obed e dhogi kendo giting' ligangla ma dhoge ariyo e Iwetgi, 7 mondo gichulgo kuor ne ogendini, 8 kendo gitue ruodhigi gi nyoroche, kod jotendgi gi opingo mag chuma, 9 ka gichopo kum mane ondik kuomgi chon. Ma e duong' mar joge maler duto. Haleluya!